



Universitätsbibliothek Paderborn

Capitularia Regvm Francorvm

Additae sunt Marculfi monachi & aliorum formulae veteres, & Notae
doctissimorum virorum

Baluze, Etienne

Parisiis, 1677

Eiusdem epistolae duea ad Offam Regem Merciorum.

urn:nbn:de:hbz:466:1-19366

suffragio illum nos amittere arbitramur. Sed magnum divina nobis prævidebat gratia solatium, dum vos, vir venerande, in locum illius subrogavit, ut esset qui quotidie apud beatum Petrum principem Apostolorum pro totius Ecclesiae stabilitate, & qui pro salute mea meorūmque fidelium, immo & pro totius stabilitate regni nobis à Deo dati intercederet, & paterna pietate nos in filium sibi adoptaret. Ad dilectionis pacificam unanimitatem Angilbertum manualem vestræ familiaritatis vestræ direximus sanctitati, quem prius, sicut promissimus per religiosos viros Campolum & Anafastium, beatissimo patri nostro prædecessori vestro dirigere curavimus: sed, ut praefati sumus, dum exenia omnia parata erant, lugubri paternæ mortis nuntio repente tardatum est iter illius. Sed modò latiores de vestra sanctitatis successione facti, quod desideravimus in illo pio patre agere, in vobis perficere studemus. Illique omnia injunxius quæ vel nobis voluntaria vel vobis necessaria esse videbantur, ut ex conlatione mutua conferatis vel quicquid ad exaltationem sanctæ Dei Ecclesie, vel ad stabilitatem honoris vestri, vel patriciatus nostri firmatatem necessarium intelligeretis. Sicut enim cum beatissimo prædecessore vestræ sanctæ paternitatis pacatum inij, sic cum beatitudine vestra ejusdem

fidei & caritatis inviolabile foedus statuere desidero, quatenus apostolicae sanctitati vestra, divina donante gratia sanctorum advocata precibus me ubique apostolica benedictio confequatur, & sanctissima Romana Ecclesie sedes, Deo donante, nostra semper devotione defendatur. Nostrum est, secundum auxilium divinae pietatis, sanctam ubique Christi Ecclesiam ab incursu paganorum & ab infidelium devastatione armis defendere, foris & intus catholice fidei agnitione munire. Vestrum est, sanctissime pater, elevatis ad Deum cum Moyse manibus, nostram adjuvare militiam, quatenus vobis intercedentibus, Deo ductore & datore, populus Christianus super inimicos sui sancti nominis ubique semper habeat victoriam, & nomen Domini nostri Iesu Christi toto clarificeetur in orbe. Vestra vero auctoritatis prudencia canones ubique sequatur; quatenus totius sanctitatis exempla omnibus evidenter in vestra fulgeant converratio, & sanctæ admonitionis exhortatio audiatur ab ore; quatenus sic luceat lux vestra coram hominibus ut videant opera vestra bona, & glorificant patrem vestrum qui in celis est. Omnipotens Deus vestra auctoritatis beatitudinem ad sanctæ sue Ecclesiae exaltationem per multa annorum curricula incolorem conservare dignetur.

EPISTOLÆ DVÆ AD OFFAM REGEM MERCIORVM.

I.

K Arolus gratia Dei Rex Francorum & Langobardorum & Patricius Romanorum viro venerando & fratri carissimo Offæ Regi Merciorum salutem. Primò gratias omnipotenti Deo agimus de catholicæ fidei sinceritate quam in vestris laudabiliter paginae reperimus exaratas. De peregrinis vero, qui pro amore Dei & salute animarum suarum beatorum Apostolorum limina desiderant adire, cum pace sine omni perturbatione vadant. Sed si aliqui non religioni servientes, sed lucrum seellantur, inter eos inveniantur, locis opportunis statuta solvant telonea. Negotiatores quoque volumus ut ex mandato nostro patrocinium habeant in regno Tom. I.

nostro legitimè. Et si aliquo loco injusta affligantur oppressione, reclamet le ad nos vel nostros judices, & plenam jubemus justitiam fieri. Cognoscat quoque dilectione vestra quod aliquam benignitatem de dalmaticis nostris vel palliis ad singulas sedes episcopales regni vestri vel Ethelfredi direximus in eleemosynam Domini Apostolici Hadriani, deprecantes ut pro eo intercedi jubeatis, nullam habentes dubitationem beatam illius animam in reque esse, sed ut fidem & dilectionem ostendamus in amicum nostrum carissimum. Sed & de thesauro humanarum rerum, quem Dominus Iesus nobis gratuita pietate concepsit, aliquid per metropolitanas civitates direximus. Vestra quoque

S

dilectioni unum baltheum & unum gladium Hunicum & duo pallia ferica.

I I.

K Arolus gratia Dei Rex Francorum & Defensor sancte Dei Ecclesie dilecto fratri & amico Offre Regi salutem. Presbyter iste & Scottus apud nos moratus est aliquanto tempore in parochia Hildeboldi Coloniensis Episcopi; sed reprehensibilis factus, ut fertur, a quadam accusatore, quod carnem diebus quadragesimalibus comedisset. Nostris vero sacerdotes judicare renuerunt, quia plenum testimonium accumantum super eum non invenerunt. Tamen nec eum loco consueto habitationis sua propter infamiam diutius morari permisérunt; ne sacerdotalis honor apud imperitum vulgus vilesce-

ret, vel rumigera loquela aliqui hortarentur violare fanulum jejunium. Vixum est nostris sacerdotibus illum ad sui Episcopi, ubi Deo votum fecit, dirigere judicium. Idcirco vestram deprecamur providentiam ut iubatis illum secundum opportunitatem temporis & profectiōis in suam tranponere patriam, ut ibi judicetur unde exivit. Nam ibi quoque sancte Dei Ecclesiae puritas in moribus, & firmitas in fide, & honestas in conversatione, secundum canonicas sanctiones diligenter observari debet; ut una, perfecta, & immaculata columba, cuius pennae deargentat, & posteriora ejus in specie auri clarescere debent. Vita, salus, & prosperitas tibi usque fidelibus a Deo Christo detur in aeternum.

CAPITVLARE SAXONVM

Datum Aquisgrani anno Christi D C C X C V I I. v. Kalendas Novembres in generali Episcoporum & optimatum conventu.

INCIPIVNT CAPITVL A.

1. **D**e iustitia Ecclesiarum, viduarum, orphanorum, & ministrorum potestum. De raptu & incendio, & de exercitu.
2. **D**e observatione superiorum capitulorum.
3. **D**e compositione secundam legem Saxonum.
4. **D**e his qui causam judicatam repeteare presumunt in patria aut in presentia Regis.
5. **D**e mannatione ad placitum.
6. **D**e compositione rerum que presbyteris ablatae sunt.
7. **D**e compositione Missorum regiorum.
8. **N**e quis incendium faciat infra patrem.
9. **D**e banno angendo.
10. **D**e malefactoribus qui mori debent.
11. **Q**uates debent esse solidi Saxonum.

Anno ab incarnatione Domini nostri Iesu Christi D C C X C V I I. & xxx. ac xxii. regnante domino Karolo praeclentissimo Regge, convenientibus in unum Aquis palatio in ejus obsequio venerabilibus Episcopis & Abbatibus seu illustribus viris Comitibus v. Kalendas Novembres, similique congregatis Saxonibus de diversis pagis, tam de Westfalahis & Angrariis, quam & de Ostfalahis, omnes unanimiter consenserunt & aptificaverunt ut de illis capitolis pro quibus Franci, si Regis bannum transgressi sunt, solidos sexaginta componunt, similiter Saxonē solvent, si alicubi contra ipsos bannos fecerint.

